

СОУДЪ АРОСЛАВЛЬ ВОЛОДИМИРИЦА.

Правда Роуськаа.

1. Ажь оубьѣтъ моужь моужа, то мьстити братоу брата, любо ш(т)цю любо с(ы)ноу, любо браточадоу, любо братню с(ы)н(о)ви; шже ли не боудеть кто ѣго мьста, то положити за голову 80 гр(и)в(е)нъ, аче боудеть княжь моужь или тивуна княжа; аче ли боудеть роусинъ, любо гридь, **любо коупець, любо тивунъ боаерескъ, любо мечникъ, любо изгой, любо словенинъ**, то 40 гр(и)в(е)нъ положити занъ.
2. [П]о Арославѣ же пакы съвъкоупивъшеса с(ы)н(о)ве ѣго: Исаславъ, С{ва)тославъ, Всеволодъ и моужи ихъ: Късначъко, Перенѣгъ, Никифоръ и Ѡложиша оубиѣниѣ за голову нъ коунами са вывоупати; а ино все аеко же Арославъ соудиль, такоже и с(ы)н(о)ве ѣго оуставиша.

Ш оубииствѣ.

3. Аже кто оубиѣтъ княжа моужа въ разбои, а головника не ищють, то вирьвноую платити въ чъѣи же вѣрви голова лежить, то 80 А) гр(и)в(е)нъ; паки людинъ, то сорокъ гривень.
4. [К]отораа ли вѣрвь начнетъ платити дикоую вироу, колико лѣт(ъ) заплататъ тоу вироу, занеже безъ головника имъ платити; боудеть ли головникъ ихъ въ вѣрви, то зане к нимъ прикладываѣтъ, того же дѣла имъ помогати головникоу, любо си дикоую вироу; нъ сплатити имъ въ обчї 40 гр(и)в(е)нъ, а головничъство а то самому головникоу; а въ 40 гр(и)в(е)нъ ѣму заплатити из дружины свою часть; нъ шже боудеть оубиль или въ свадѣ или въ пироу авлено, тъ тако ѣмоу платити **по вѣрвинъинѣ**, иже са прикладываѣтъ вироу.

Оже станеть без вины на разбои.

5. Боудеть ли сталь на разбои безъ всакоа свады, то за разбоиника людъѣ не плататъ, нъ выдатъ и всего съ женою и съ дѣтьми на потокъ, а на разграбленіѣ.
6. Аже кто не вложитъса въ дикоую виру, томоу людъѣ не помагають, нъ самъ платитъ.

А се покони вирьнии.

7. А се покони вирнии бѣли при Ёрославѣ: вирьникоу взати 7 вѣдеръ солодоу на нед(ѣ)лю, оже швѣнь, любо полоть, или 2 ногатѣ; а въ сред(оу) коуна, оже сырѣ, а въ патничю такоже; а коурѣ по двоѣ на д(е)нь; а хлѣбовѣ 7 на нед(ѣ)лю; а пшена 7 оубороковѣ; а горохоу 7 оубороковѣ; а соли 7 голважень: то то вирникоу съ штрокомѣ; а кони 4, конемѣ на ротѣ соути швѣсь; вирни оу 8 гр(и)в(е)нь, а 10 коунѣ перекладнаѣ, а метелникоу 12 векши, а съсаднаѣ гр(и)вна.

Ш вирахѣ.

8. Аже боудеть вира въ 80 гр(и)в(е)нь, то вирникоу 16 гр(и)в(е)нь, и 10 коунѣ и 12 вѣкше, а переди съсаднаяѣ гр(и)вн(а), а за голову 3 гр(и)вны.

О княжи отроцѣ.

9. Аже въ княжи штроцѣ, или въ конюсѣ, или въ поварѣ, то 40 гр(и)в(е)нь; а за тиоунѣ за шгнищныи и за конюшии, то 80 гр(и)в(е)нь; а въ сельскомѣ тиоунѣ въ княжи или в ратаинѣмѣ, то 12 гр(и)внѣ; а за радовича 5 гр(и)в(е)н(ѣ), такоже и за боѣрескѣ.

О ремѣствьницѣ.

10 За ремѣствьника и за ремѣствьницу, то 12 гр(и)вне.

11. А за смердии холопѣ 5 гр(и)в(е)нь, а за робоу 6 гр(и)в(е)нь.

12. А за кормилца 12 гр(и)в(е)н(ѣ) и за кормилицю, хотя си боуди холопѣ или роба.

Шже съвержетѣ виру.

13. А оже съвержетѣ виру, тѣ гр(и)вна коунѣ съметнаѣ штрокоу; а кто и кльпаль, а томоу дати другоую гр(и)вноу, а ѿ виру помоченаго 9 коунѣ.

14. Искавше ли послоуха и не налѣзоутѣ, а истьца начьнетѣ головою клепати, то ти имѣ правѣдоу желѣзо; такоже и въ всѣхѣ тажахѣ и въ татбѣ, и въ поклепѣ; шже не боудеть лица, тѣ тогда дати ѣмоу железо из нѣволѣ до полоугр(и)вны золота; аже ли мнѣ, то на воду, шли до двою гр(и)вноу; аже мнѣ, то ротѣ ити ѣмоу по своѣ коуны.

Оже кто оударить мечемь.

15. Аже кто оударить мечемь, не вънезъ ѳго, или роукоаѳтью, то 12 гр(и)вне продаже за обиду.

16. Оже ли вънозъ мьчь, а не оутнетъ, то гр(и)вноу коунъ.

17. Аже кто кого оударить батогомь, любо чашею, любо рогомь, любо тылѳснию, то 12 гр(и)внѳ; не тѳрпа ли противоу томоу оударить мечемь, то вины ѳмоу в томъ нѳтоуть.

18. Аще ли оутнетъ роукоу и ѳпадетъ роука, или оусъхнетъ, или нога, или шко, или не оутнетъ, тѳ полъвиры 20 гр(и)в(е)нѳ, а томоу за вѳкъ 10 гр(и)в(е)нѳ.

19. Аже пѳръсть оутнетъ кыаѳ любо, то 3 гр(и)вны продаже, а самомоу гривна коунъ.

Оже придет(ѳ) крѳвавъ моуж(ѳ) .

20. Оже придетъ крѳвавъ моуже на дворъ или синь, то видока ѳмоу не искати, нѳ платитѳ ѳму продажу 3 гривн(ы); или не боудетъ на немъ знамениаѳ, то привести ѳмоу видокъ, слово противоу слова, а кто боудетъ началъ, томоу платити 60 коунъ; аче же и крѳвавъ придетъ или боудетъ самъ почалъ, а въстоупатъ послоуси, то то ѳмоу за платежъ, шже и били.

21. Аже оударить мечемь, а не оутнетъ на см(е)ртъ, то 3 гр(и)вны, а самомоу гр(и)вна за рану, оже лѳчебноуѳ; потънетъ ли на см(е)ртъ, то вира.

22. Или пѳхнетъ моужъ моужа любо к собѳ, любо ѳ себе, любо по лицу оударить, или жердью оударить а видока два въведоуть, то 3 гр(и)вны продаже; оже боудетъ варагъ или колбагъ, тѳ полнаѳ видока въвести и идета на роту.

О челадѳхъ.

23. Аже челядинъ съкрыѳтса, а закличють и на тѳргоу, а за три дни не въведоуть ѳго, а познаѳти и третии д(е)нѳ, тѳ свои челядинъ поати, а шномоу платити 3 гр(и)вны продаже.

Оже кто въсадетъ на чюж(ѳ) конъ.

24. А оже кто въсадетъ на чюжъ конъ не прашавъ, то 3 гр(и)вны.

25. Аче кто конь погоубить, или ороужиѣ, или портъ, а заповѣсть на тѣргоу и послѣдъ познаѣтъ въ своѣмъ городѣ, своѣ ѣмоу лицемъ взати, а за шбидоу платити ѣмоу 3 гр(и)вны.

26. Аже кто познаѣтъ своѣ, что боудеть погоубилъ, или оукрадено оу него что или конь, или портъ, или скотина, то не рѣци: „се моѣ“, нѣ „поиди на сводъ, кдѣ ѣси възаль“; съведитеса, кто боудеть виновать, на того татьба снидеть; тѣгда онъ 3) своѣ възметъ, а что боудеть съ нимъ погыбло, тоже ѣмоу начнетъ платити.

27. Аче боудеть коневыи тать, а выдати князю на потокъ; пакы ли боудеть клѣтъныи тать, то 3 гр(и)вны платити ѣмоу.

О сводѣ.

28. А оже боудеть во шдиномъ городѣ, то ити истѣцю до конца того свода; боудеть ли съводъ по земламъ, то ити ѣмоу до третьаго свода, а что боудеть лице, то томоу платити третьемоу платити коунами за лице а съ лицемъ ити до конца сводоу, а истѣцю жѣдати прока; а кдѣ снидеть на конечнаго, то томоу все платити и продажю.

Ш татьбѣ.

29. Пакы ли боудеть что татебно коупилъ въ тѣргоу или конь, или пѣртъ, или скотиноу, то выведеть свободна моужа два или мѣтника; аже начнетъ не знати оу кого коупилъ, то ити по немъ тѣмъ видокомъ на тѣргоу на ротоу, а истѣцю своѣ лице взати; а что с нимъ погыбло, а того ѣмоу желѣти, а шномоу желѣти своихъ коунъ, зане не знаѣтъ оу кого купивъ; познаѣтъ ли на долзѣ оу кого купивъ, то своѣ коуны възметъ, и семоу платити, что оу него погыбло, а князю продажю.

Ш челадинѣ.

30. Аже кто познаѣтъ челадинъ свои оукраденъ, а поиметь и, то шномоу вести и по коунамъ и до третьаго свода; поѣти же челадинъ въ челадина мѣсто, а шномоу дати лице, отъ идеть до конечнаго свода, а то ѣсть не скотъ, нелзѣ речи: „не вѣдѣ оу кого ѣсмъ коупилъ“; нѣ по ѣзыкоу ити до конча; а кдѣ боудеть конечнии тать, то опать воротить челадина, а свои поиметь, и проторъ томоу же платити, а князю продаже 12 гр(и)вне въ челадинѣ или оукрадыше.

О сводѣ.

31. А и своѣго города въ чюжю землю свода нѣтоуть; нѣ тако же вывѣсти ѣму послоухы, любо мѣтника, передѣ кѣмъ же коупивѣше, то истѣцю личе взати, а прока ѣмоу желѣти. что с нимѣ погыбло, а шному своихѣ коунѣ желѣти.

О татѣбѣ.

32. А оже оубѣють кого оу клѣти или оу которой татѣбы, то оубѣють въ пса мѣсто; оже ли и додѣржать свѣта, то вести и на княжѣ дворѣ, оже ли оубиють и, а оуже боудоуть видѣли людие сѣвазана, то платити в томѣ 12 гр(и)вне.

33. Аже крадетѣ кто скотѣ въ хлѣвѣ или клѣтѣ, то же боудетѣ шдинѣ, то платити ѣмоу 3 гр(и)вны и по 30 кунѣ; боудетѣ ли ихѣ много, то всѣмѣ по 3 гр(и)вны и по 30 коунѣ платити.

Ш татѣбѣ же.

34. Аже крадетѣ скотѣ на поли или овци, или козы, или свинѣю, 60 коунѣ; будетѣ ли ихѣ много, то всѣмѣ по 60 кунѣ.

35. Аже крадетѣ гоумно или жито въ ѣмѣ, то колико ихѣ боудетѣ крало, то всѣмѣ по 3 гр(и)вни и по 30 коунѣ; а оу него же погыбло, то оже боудетѣ лице, то лице поиметѣ, а за лѣто вѣзметѣ по полоугр(и)внѣ.

36. Пакы ли лица не боудетѣ, а боудетѣ былѣ княжѣ конѣ, то платит занѣ 3 гр(и)вны, а за инѣхѣ по двѣ гр(и)внѣ.

А се оуроци скотоу.

37. Оже за кобылоу 60 коунѣ, а за волѣ гривноу, а за коровоу 40 коунѣ, а за третьѣкоу 30 коунѣ, а за лонѣщиноу полѣгр(и)вны, а за тела 5 коунѣ, а за свинѣю 5 коунѣ, а за пороса ногата, а за овѣцю 5 коунѣ, а за боранѣ ногата, а за жеребецѣ, шже не вѣсѣдано нанѣ, то гр(и)вна коунѣ; а за жереба 6 ногатѣ, а за коровинѣ молоко 6 ногатѣ, то ти оуроци смѣрдомѣ, шже плататѣ князю продаю.

Оже боудоуть холопи татѣю, соуд(ѣ) княж(ѣ).

38. А оже боудоуть холопи татѣю, любо княжи, любо боѣрѣстии, любо чернѣчи, ихѣ же князѣ продажею не казнитѣ, зане соутѣ не свободѣни, то двоици платитѣ истѣцю за шбидоу.

А шже кто скота възищеть.

39. А оже кто възищеть коунъ на друузѣ, а шнъ са начнеть запитати, то шже на нь въведеть послоуси, то ти поидоуть на ротоу, а онъ възмѣтъ свое коуны; занеже не даль ѳмоу за много лѣтъ, то платити ѳмоу за шбидоу 3 гр(и)вны.

40. Аже кто коупецъ купцю дасть въ коуплю коуны или въ гостьбоу, то коупцю передъ послоухы коунъ не имати, послоуси ѳмоу не надобѣ, нь ити ѳмоу самомоу ротѣ, шже са почнеть запитати.

О поклажаи.

41. Аже кто поклажаи кладеть оу кого любо, то тоу послоуха нетоуть; нь оже начтеть болшимъ кльпати, томоу ити ротѣ, оу кого то лѣжалъ товаръ: „а толко ѳси оу мене положиль“, занеже ѳмоу бологодѣль и хорониль товаръ ѳго.

О рѣзѣ.

42. Аже кто коуны дають въ рѣзѣ, или наставъ на медь, или жито въ просопъ, то послоухы ѳмоу ставити, како са боудеть радиль, тако ѳмоу ѳмати.

О м(ѣ)с(а)цнємь рѣзѣ.

43. А м(ѣ)с(а)цнѣи рѣзѣ, оже за мало, то имати ѳмоу; заидоуть ли са коуны до того же года, то дадать ѳмоу 3) коуны въ треть, а м(ѣ)с(а)цнѣи рѣзѣ ѿгрѣноути; послоуховъ ли не боудеть, а боудеть коунъ 3 гр(и)вны, то ити ѳмоу про свое коуны ротѣ; боудеть ли боле коунъ, то рчи ѳмоу тако: „промиловаль ѳси, оже ѳси не ставиль послоуховъ“.

А се оустави Володимир.

44. А се оуоставиль Володимиръ Всеволодичъ, по с(ва)тополче съзвавъ дружиноу свою на Берестовомъ: Ратибора, тысачького Кънѣвьского и Прокопию, Бѣлогородьского тысачького, Станислава, Пьреѳславьскаго тысачького, Нажира, Мирослава, Иванка Чюдиновича, Шльгова моужа, и оустави люди до третьѳго рѣза, оже ѳмлетъ въ рѣзѣ коуны; аже кто

вѣзмѣть два рѣза, тѣ то взати ѿмоу исто; пакы ли вѣзметъ три рѣзы, то иста ѿмоу не взатї.

Ш рѣзѣ.

45. [О]же кто ѿмлетъ по 10 коунѣ ѿ лѣта на гр(и)вноу, то того не ѿтметати.

О закупѣ.

46. [О]же закоупѣ бѣжитъ ѿ г(о)с(по)ды, то ѿбѣль; идетъ искать коунѣ, а ѿвлено ходитъ, или къ князю, или къ соудѣмъ бѣжитъ ѿбиды дѣла своѣго г(о)с(по)дина, нѣ про то не работатъ ѿго, нѣ дати ѿмоу правдоу.

О послушствѣ.

47. На послушство холопа не скадають; но оже не боудеть свободнаго, то по ноужу ти сложити на боѿрськаго тиоуна, а на инѣхъ не складывати.

О бородѣ.

48. А въ малѣ таже по ноужу сложити на закоупа. А кто порѣвѣтъ бородоу, а выиметь знаменьѣ, а вылѣзоутъ людѣ, то 12 гр(и)внѣ продаже; аже безъ людїи, а въ поклепе, то нѣтоу продаже.

Ш зоубѣ.

49. Оже выбѣють зоубѣ, а крѣвь оувидатъ оу него въ ртѣ, а людїи вылѣзоутъ, то 12 гр(и)внѣ продаже, а за зоубѣ гр(и)вна.

Ш бѣрти.

50. Аже оукрадетъ кто борть, то 12 гр(и)внѣ продаже.

51. Аже боудеть росѣчена земля или на земли знамениѣ, имѣ же ловлено или сѣтъ, то по вѣрви искати въ собѣ тата, любо платїти продажу.

52. Аже разнаменаѣтъ бѣрти, то 12 гр(и)внѣ.

53. Аже межю перетнетъ бортьноюу, или ролѣиноую розоретъ, или дворноюу тыномъ перегородитъ, то 12 гр(и)внѣ продаже.

54. Оже доубъ перетнетъ знаменныи или межъныи, то 12 гр(и)внѣ продаже.

А се наклади.

55. А се наклади 12 грівноу: штрокоу двѣ гр(и)внѣ и 20 коунъ, а самому ѳехати съ штрокомъ на двоу коню; соути же на ротъ швьсъ, а масо дати швьнъ или полтъ, а инемъ кормомъ, что има чрево възметъ; пюсчю 10 коунъ; перекладнаго 5 кунъ, а за мѣхъ двѣ ногатѣ.

О женѣ.

56. Оже кто оубъѣтъ женоу, то тѣмъ же судомъ соудити, аeko же и моужа; шже будетъ виноватъ, то полъ виры, 20 гр(и)в(е)нѣ.

57. А въ холопѣ и въ робѣ виры нѣтоутъ, нѣ шже боудетъ без вины оубъѣнъ, за холопъ оурокъ заплатити, или за робоу, а князю 12 гривнѣ продаже.

О задници.

58. Аже оумреть смердъ, то задница князю; аже боудоутъ дѣчери оу него дома, то даѣти часть на нѣ; аже боудоутъ замоужемъ, то не дати имъ части.

О задници боѣрѣстѣи и о дружиннѣ(и). А се ш заднѣцѣ.

59. Аже въ боѣрѣхъ или въ дружинѣ, то за княза задница не идеть; нѣ шже не боудетъ с(ы)н(о)вѣ, а дѣчери възмоутъ.

60. Аже кто оумираѣ роздѣлитъ домъ, на томъ же стоѣти; паки ли без радоу оумреть, тѣ все дѣтемъ, а на самого часть дати д(у)ши.

61. Аже жена садеть по моужи, то оу своих(ѣ) дѣтеї взат(и) часть; а что на ню моужъ възложить, тѣ томоу г(о)с(по)жа ѳестъ, а задница ѳеи моужна не надобѣ; боудоутъ ли дѣти, то что что пѣрвои жены, тѣ то възмоутъ дѣтї м(а)т(е)ри своѣи, любо си на женоу възложилъ боудетъ, обаче м(а)т(е)ри своѣи възмоутъ.

62. Оже боудетъ сестра въ дому, тѣ то задница не надобѣ, нѣ ѡдадять ю за моужъ брат(ѣ)ѣ, како си могоутъ.

А се ш женѣ, шже вѣрчетьса сѣдѣти по моужи.

63. А еже жена върчетьса сѣдѣти по мужи, а ростераеъ добытокъ и поидеть за мужъ, то платити ѿи все дѣтемъ; не хотѣти ли ѿи дѣти начнууть ни на дворѣ, а она начьнетъ хотѣти всако и сѣдѣти, то творити ѿи всакоу волю, а дѣтемъ не дати воле, нъ что ѿи даль мужъ, съ тѣмъ же ѿи сѣдѣти или, свою часть въземъши, сѣдитъ же.

64. А м(а)т(е)рна часть дѣтемъ не надобѣ; нъ комоу м(а)ти дасть, томоу же взати; дасть ли всѣмъ, то все роздѣлать; безъ аэзка ли оумреть, то оу кого боудеть на дворе была и кто ю кърмилъ, то томоу взати.

65. Аже боудоуть двою мужю дѣти, а шдиной м(а)т(е)ри, а шнемъ своѣго боудеть ли потер(а)лъ своѣго иночима что, а шнѣхъ ш(т)ца, а оумреть, то възворотать брат(ь)и, на нъ же и людье вылѣзуть, что боудеть о(те)ць. ѿго истераль иночимла; что ѿмоу своѣго ш(т)ца, то държать.

66. А м(а)т(е)ри которьи с(ы)нъ боудеть добръ, томоу же дасть своѣ; аче вси боудоуть ѿи с(ы)н(о)ви лиси, а дѣчери можетъ дати, кто ю кърмить.

А се оурочи судебнии.

67. А се оурочи соудебнии: ѿ виры 9 коунъ, а мателникоу 9 вѣкошь, а ѿ бортьной земли 30 коунъ, а онѣхъ всѣхъ тажъ, комоу помогоуть, по 4 куны, а метелникоу 6 вѣкошь.

Ш задници.

68. Аже братьяе роставються передъ княземъ ш задницу, то которьи дѣчкьи дѣтии ихъ дѣлить, то томоу взати гр(и)вна коунъ.

Оурочи ротний.

69. А се оурочи ротнии: ѿ головы 30 коунъ, а ѿ бортьной земли 30 коунъ бес треи коунъ; такоже и ѿ ролейной земли, и ѿ свободы 9 кунъ.

А се ш коупци, шже истопитьс(а).

70. [О]же которьи коупецъ, шедъ кдѣ любо съ чюжими коунами, и истопитьса, любо рать възметъ, любо шгнь, то не насилити ѿмоу, ни продати ѿго, нъ како почнетъ ѿ лѣта платити, такоже платить, занеже пагоуба ѿ б(ог)а есть, а не виновать есть; шже ли пропъетъс(а) или пробиетъсье, въ безоумии чюжъ товаръ испорѣтитъ, то како любо тѣмъ, чье то коуны, жьдоуть ли ѿмоу, а своѣ имъ вола, или продадутъ ли, своѣ имъ вола.

О долзѣ.

71. Аже кто многымъ долженъ боудеть, а пришедъ гость изъ инога города или чюжеземьць, а не вѣдаѣ запоустить зань товаръ, а шпачь начнетъ не дати начнетъ гости коунъ ѣму, а първии дѣлжъ бити начьноутъ ѣмоу запинати, не дадоуче ѣмоу коунъ, то вести и на торгъ, и продати, и ѿдати же първѣѣ гостины коуны, а домашьнымъ, что са шстанеть коунъ, тѣмъ же са подѣлать; пакы же ли боудоутъ княже коуны, то княже коуны переже взати, а прокъ въ дѣль; аже кто много реза ималь, то томоу не имати.

О закоупѣ.

72. Оже ролѣиньи закупъ оу г(о)с(поди)на боудеть, а погоубить воискьи конь, то не платѣти ѣмоу; нъ ѣже даль ѣмоу г(о)с(поди)нъ плougъ и бороноу, ѿ него же ковоу ѣмлетъ, тѣ то погоубивъши, ѣмоу платити; оже ли г(о)с(поди)нъ ѿслеть ѣго на своѣ шроудьѣ, а погынеть без него, того ѣмоу не платити.

О закоупѣ.

73. Оже изъ хлѣва выведоутъ, то закоупоу того не платити; нъ шже погоубить на поли, и въ дворъ не вѣженеть и и не затворить, кдѣ ѣмоу г(о)с(поди)нъ велить, или ороудиѣ своѣ дѣѣ, а того погоубить, то то ѣмоу платити.

74. Аже г(о)с(поди)нъ перешбидить закоупа, а оувѣдитъ враждоу ѣго или штрицю, то то ѣмоу воротити, а за шбидоу ѣмоу платѣти ѣмоу 7 коунъ; пакы ли прииметь на немъ коунъ, то опать ѣмоу воротѣти коуны, что боудеть приѣль, а за обидоу платити ѣмоу 3 гр(и)внѣ продаже; продасть ли г(о)с(поди)нъ закоупа шбѣль, то наиметоу свобода въ всехъ коунахъ, а г(о)с(поди)ноу платити за шбидоу 12 гр(и)внѣ продаже; аже г(о)с(поди)нъ бѣѣтъ закоупа про дѣло, то без вины ѣсть; бѣѣтъ ли не смѣсла пѣѣнъ, без вины, то ѣко же и въ свободнемъ платежъ, такоже и въ закоупѣ.

О холопѣ.

75. Аже холопъ шбѣльньи выведеть конь чии любо, то платити зань 2 гр(и)внѣ.

О закоупѣ.

76. О закоупѣ оже оувѣдетъ что, то г(о)с(поди)нѣ въ томѣ; нѣ шже г(о)с(поди)нѣ индѣ налѣзоуть, то заплатитъ передни г(о)с(поди)нѣ ѣго конь или ино что боудеть взалѣ, ѣмоу холопѣ шбѣльнии; пакы ли г(о)с(поди)нѣ не хотѣти начнетъ платити занѣ г), а продасть и, ѡдаеть же переди или за конь, или за волѣ, или за товарѣ, что боудеть чюжего взалѣ, а прокъ ѣмоу самому взати собѣ.

А се шже холопѣ оударитъ.

77. Аже холопѣ оударитъ свободна моужа, а оубѣжитъ въ хоромѣ, а г(о)с(поди)нѣ ѣго не видасть, то платитѣ занѣ г(о)с(поди)ноу 12 гр(и)внѣ, а затѣмъ аче кдѣ налѣзѣтъ оударенѣи тѣ своѣго истѣча, кто же ѣго оударилѣ, то Аѣрославѣ былѣ оуставилѣ и оубити; нѣ с(ы)н(о)ве ѣго оуставиша по ш(т)ци на коуны, любо и бити розвазавше, или взати гр(и)вна кунѣ за соромѣ.

А се ш борти.

78. Аже борть подѣтнетъ, то 3 продаже, а за дерево полѣ гр(и)внѣ.

79. Аже бчелы выдереть, то 3 гр(и)вне продаже, а за медѣ, шже боудоуть бчелы не лаженѣ, то 10 кунѣ; боудеть ли шлекѣ, то 5 коунѣ.

80. Не боудеть ли тата, то по слѣдоу женоуть; аже не боудеть слѣда: или къ селоу, или к товароу, а не ѡсочать ѡ себе слѣда, ни ѣдоуть на слѣдѣ, или штобиютьса, тѣ тѣмъ платити татбоу и продажю; а слѣдѣ гнати съ чюжими людми, а с послоухы; аже погоубать слѣдѣ на гостинци на велицѣ, а села не боудеть, или на поусте, кдѣ же не боудеть ни села, ни людии, то не платити ни продаже, нѣ татѣбы.

О смѣрдѣ.

81. Оже смердѣ моучитъ смърда безѣ кнажа слова, то 3 гр(и)вн(е) продаже, а за моуку гр(и)вна коунѣ.

82. Аже шгнищанина моучитъ, то 12 гр(и)вне продаже, а за моукоу гр(и)вна.

83. Аже лодью оукрадетъ, то 7 коунѣ продаже, а лодию лицемъ воротити; а за морьскоую лодью 3 гривны, а за набоиноую 2 гр(и)вне; а за челнѣ 8 коунѣ, а за строугѣ гр(и)вна.

Ш перевесехѣ.

84. Аже перетнетъ вѣрвь въ перевесѣ, то 3 гр(и)вне продаже, а за вѣрвь гр(и)вна кунѣ.

85. Аже кто оукрадетъ въ чеѣи перевесе или соколѣ, или астрабѣ, то продаже 3 гривны продаже, а г(о)с(поди)ноу гр(и)вна; а за голоубѣ 9 коунѣ, а за коура 9 коунѣ, а за оутовѣ 30 коунѣ, а за гоусѣ 30 коунѣ, а за лебедѣ 30 коунѣ, а за жеравѣ 30 коунѣ.

86. А в сенѣ и въ дровѣхѣ 9 кунѣ, а г(о)с(поди)ноу, колико боудетъ возѣ оукрадено, то имати ѣмоу по 2 ногатѣ за возѣ.

Ш гоумнѣ.

87. Аже зажьжетъ гоумно, то на потокѣ и на розграбежѣ домѣ ѣго, переди пагоубоу исплатити, а въ прочи князю поточити и; тако же шже кто дворѣ зажьжетъ.

88. А кто пакощами порежетъ конѣ или скотиноу, то продаже 12 гр(и)вне, а за пагоубоу гр(и)вноу оурокѣ платити.

89. [Т]ы таже все соудать послоухы свободьными; боудетъ ли послоухъ холопѣ, то холопоу на правдоу не вылазѣти; нѣ шже хочетъ истѣчь или иметъ и, а река тако: „по сего речи ѣмлю та, нѣ азѣ ѣмлю та, а не холопѣ“, и ѣмете и на желѣзо; аже шбинити и, то ѣмлетъ на немѣ своѣ, не обинити ли ѣго, а платити ѣмоу гривноу за моукоу, за по холопѣи речи аелѣ и.

90. А желѣзнаго платити 40 коунѣ, а мечникоу 5 коунѣ, а полѣ гр(и)вне дѣтѣчьскому, то ти желѣзныи оурокѣ, кто си въ чемѣ ѣмлетъ; оже иметъ на желѣзо по свободьныхѣ людии речи, любо запа на нѣ боудетъ, любо прохожениѣ ночноѣ, или кымѣ любо шбразомѣ аже не шжьжетъса, то про моукы не платити ѣмоу; нѣ шдино желѣзноѣ, кто будетъ аелѣ.

А се за закладаюче городѣ.

91. А се оурочи городникоу: закладаюче городьна, куна взати, а кончавше ногата; а за кормѣ, и за вологу, и за мася, и за рыбы 7 коунѣ на недѣлю, 7 хлѣбовѣ, 7 оубороковѣ пшена, 7 лоуконѣ швса на 4 кони, имати же ѣмоу донелѣ городѣ сѣроубатѣ, а солодоу дадатѣ ѣмоу шдиноу 10 лоуконѣ.

А се оуроци мостьникоу.

92. А се мостьникоу оуроци: помостивѣше мостѣ, взати ѿ 10 локотѣ по ногатѣ; аже починити моста ветхаго, то колико городенѣ починити, то взати ѣмоу по кунѣ ѿ городне, а мостьникоу ѣхати самому сѣ штрокомѣ на двоу коню, взати 4 лоукна швса на недѣлю, а ѣсти что можета.

О задници. Ш холопѣихъ дѣтеи.

93. Аже боудоуть робѣе дѣти оу моужа, то задницѣ имѣ не имати, нѣ свобода имѣ съ м(а)т(е)рью.

94. Аже боудоуть въ домоу дѣти малы, а не джи са боудоуть сами собою печаловати, а м(а)ти имѣ поидеть за моужь, то токмо имѣ ближеи боудоуть, томоу же дати на роуцѣ и съ добѣтъкомѣ и съ домоумъ, донелѣже възмогоуть; а товаръ дати передѣ людѣми; а что сѣрѣзитѣ товаромъ тѣмъ ли пригоститѣ, то то ѣмоу собѣ, а истѣи товаръ воротитѣ имѣ, а прикоупѣ ѣмоу собѣ, зане кѣрмилѣ и печаловалѣса; аже ѿ челади плѣдѣ или ѿ скота, то то поимати лицемъ; что поималѣ боудеть, или истералѣ, то то ѣмоу все платити дѣтѣмъ тѣмъ.

95. Аче же и шѣцимѣ прииметь дѣти съ задницею, то такоже ѣсть радѣ.

96. А дворѣ безѣ дѣла шѣнѣ всако мѣншемоу с(ы)н(о)ви.

Ш холопѣствѣ.

97. Холопѣство шѣлноѣ троѣ: шже коупитѣ хота и до полоугр(и)вѣны, а послухѣ поставатѣ, а ногатоу дасть передѣ самѣмъ холопомъ; а второѣ холопѣство: поиметь робоу безѣ радоу; поиметь ли са съ радомъ, то како боудеть са радилѣ на томъ же стоить; а се третьѣѣ холопѣство: тиоунѣство без радоу или приважетѣ к собѣ ключѣ без драдоу, или с радомъ, то како са боудеть радилѣ, на томъ же стоить.

98. [В] даче не холопѣ, ни по хлѣбе роботатѣ, ни по придатѣцѣ, нѣ шже не доходитѣ года, то ворочати ѣмоу м(и)л(о)стѣ; ѿходитѣ ли, то не виноватѣ ѣсть.

99. Аже холопѣ бѣжитѣ, а заповѣстѣ г(о)с(поди)нѣ, оже слышавѣ кто, или знаѣ и вѣдаѣ, оже ѣсть холопѣ, и дасть ѣмоу хлѣба, или оукажетѣ ѣмоу поуть, то платити ѣмоу за холопѣ 5 гр(и)в(е)нѣ, а за робоу 6 гр(и)в(е)нѣ.

100. Аже кто переиметь чюжѣ холопѣ и дасть вѣстѣ г(о)с(поди)ноу ѣго, то имати ѣму переѣмѣ гр(и)вна коунѣ; не оублюдетѣ ли, то платити ѣмоу 4 гр(и)вѣны, а патаа ѣмоу переима; оже боудеть роба, тѣ 5 гр(и)в(е)нѣ, а шестаѣ на переѣмѣ ѿходитѣ.

101. Аже кто своѣго холопа самѣ досочитѣса въ чиѣмъ любо родѣ, а боудеть посадникѣ не вѣдалѣ ѣго, то, повѣдавше ѣмоу, поѣти оу него штрокѣ и шедѣши оувазати и, и дати ѣмоу вазебное 10 коунѣ, а переима нѣтоуть; аче оупоуститѣ, собѣ ѣмоу пагоуба, а не платитѣ в то нѣкто же тѣмъ же и переима нѣтоуть.

102. Аже кто не вѣдаѣ чюжь холопъ оусрачеть, или вѣсти дѣетъ, любо държить оу себе, идетъ ѿ него, то ити ѣмоу ротѣ, аеко не вѣдалъ ѣсмь, шже ѣсть холопъ, а платежа в томъ нѣтоуть.

103. Аче же холопъ кдѣ коуны вложить, а шнъ не вѣдаѣ вдалъ, то г(о)с(поди)ноу выкоупати али лишитиса ѣго; вѣдаѣ ли боудеть далъ, то коунъ ѣмоу лишитиса.

104. Аже кто поустить холопа въ торгъ, а шдолжаѣтъ, то выкоупати ѣго г(о)с(поди)ну, а не лишитиса ѣго.

105. Аже кто крьнетъ чюжь холопъ, не вѣдаѣ, то пѣрвомоу г(о)с(поди)ноу холопъ поѣти, а шномоу коуны имати ротѣ ходивше, аеко не вѣдаѣ ѣсмь коупиль.

106. ...г(о)с(поди)ну же и товаръ, а не лишатиса ѣго.

107. Аже кто бѣжа, а поѣмлетъ что соуѣдне или товаръ, то г(о)с(поди)ноу платити занъ оурокъ, что боудеть взаль.

108. Аже холопъ крадетъ кого любо, то г(о)с(поди)ноу выкоупати и любо выдати и съ кымъ боудеть краль, а женѣ и дѣтемъ не надобѣ; а шже боудоуть с нимъ крали и хоронили, то всехъ выдати; пакы ли, а выкоупаѣтъ г(о)с(поди)нъ; аже боудоуть свободнии с нимъ крали или хоронили, то кназю въ продаже.